



Skjal sótt af '00000000000' dags: 25.03 2026

# BORGARLEIKHÚSIÐ

## HÖFUÐBORGARSVÆÐIÐ

Leikfélag Reykjavíkur er ein elsta menningarstofnun landsins og var stofnað árið 1897. Félagið hefur því starfað í 119 ár, lengst af í lön en var falin umsjón og rekstur Borgarleikhússins þegar húsið opnaði árið 1989. Félagið var aðal hvataaðilinn að byggingu hússins og lagði umtalsverða fjármuni í framkvæmdina.

LR stendur fyrir umfangsmiklum og öflugum rekstri í Borgarleikhúsinu og er leikhúsið stærsta og fjölsóttasta leikhús landsins. Árlega eru um 20 - 25 leikverk á fjölonum sem sýnd eru samtals u.p.b. 500 - 600 sinnum, gestafjöldi um 220 þús. manns á ári og hjá félaginu starfa að jafnaði rúmlega 200 manns.

Árleg velta félagsins er um 1,5 milljarður. Rekstrarframlag frá Reykjavíkurborg er um 600 m.kr. og sjálfsaflafé því um 900 m.kr. Auk þess leggur Reykjavíkurborg til húseign Borgarleikhússins. Leikfélag Reykjavíkur er sjálfseignarstofnun og er rekstur þessarar metnaðarfullu starfsemi mikil áskorun frá ári til árs. Langstærsti hluti leikhúsgesta er af höfuðborgarsvæðinu og eru um 60% þeirra búsettir í Reykjavík en 40% í öðrum sveitarfélögum höfuðborgarsvæðisins.

Leikfélag Reykjavíkur ses. á í afar góðu samstarfi við Reykjavíkurborg og í því sambandi njóta skólabörn Reykjavíkur sérstakrar aðstöðu í Borgarleikhúsinu. LR vill bjóða öðrum sveitarfélögum á höfuðborgarsvæðinu til samstarfs á svipuðum grundvelli með því að sveitarfélögin komi að rekstri leikhússins og um leið að tengja saman skóla og menningu með öflugum hætti.

### LR leggur fram eftirfarandi tillögu til skoðunar og umræðu:

Sveitarfélög höfuðborgarsvæðisins gerist aðilar að rekstri Borgarleikhússins með árlegu umsömdu fjárframlagi. Samstafið verður svo unnið áfram í samstarfi beggja aðila en meðfylgjandi eru tillögur að nokkrum verkefnum sem við höfum verið að vinna að.

Leikskólabörnum boðið upp á heimsóknir  
árið um kring eftir nánara samkomulagi.

## LEIKSKÓLABÖRN OG LEIKHÚSIÐ



---

„Ungur nemur, gamall temur“

---

Sérúnnin leiksyning  
og leikhústöfrar

Aðventusýning/  
börnin hitta jólasveininn

---

Börn úr elstu deildum leikskóla aðildarsveitarfélaga Borgarleikhússins  
heimsækja leikhúsið tvisvar sinnum á vetri hverjum.

---

Börnunum er boðið að sjá 40 mínútna  
sýningu sem er sérsniðin, skrifuð  
og æfð fyrir þetta tilefni. Markmiðið  
er að kynna fyrir börnunum töfra og  
tækniundur leikhússins ásamt góðri  
skemmtun og lærdómsríkum boðskap.  
Sýningin er hönnuð og flutt af tæknifólki  
Borgarleikhússins. Leynigestir oft m.a.  
leikarar hússins og dansarar ID. Gott  
tækifæri fyrir leikskólakennara að vinna  
með efnið og boðskapinn áfram þegar  
heim er komið.

Börnunum boðið á aðventunni að sjá  
sýninguna JÓLAFLÆKJA. Þetta er ný sýning  
sem Bergur Þór Ingólfsson semur og  
leikur. Saga um Einar sem alltaf er einn,  
líka á jölum. Hann finnur alltaf upp á  
einhverju til að gera einveruna áhugaverða  
og skemmtilega og beitir ímyndunarafliu  
óspart til þess. Uppátækjasamur  
klaufabárður sem deyr ekki ráðalaus þó á  
ýmsu gangi. Litrík og falleg jólasýning.

Boðið upp á sýningar fyrir 5. bekk og 10. bekk ásamt heimsóknum og starfskynningum.

## GRUNNSKÓLABÖRN OG LEIKHÚSIÐ



„Áð vera eða ekki vera...”

Öllum börnum 5. bekkjar og 10. bekkjar aðildarsveitarfélaga Borgarleikhússins boðið í sannkallaða leikhússeislu þar sem boðið er upp á að kynnast töfrum leikhússins.

**Hamlet litli: meistaraverk með augum barnsins.**

**Kynfræðsla Pörupilta: Erfiðu málin á skiljanlegan hátt.**

**Umræður og fyrirspurnir í lok sýninga.**

### 5. bekkur.

Öllum nemendum 5. bekkjar boðið í heimsókn í Borgarleikhúsið. Dagskráin tekur um 3 klst. frá morgni og fram að hádegis. Nemendum boðið í skoðunarferð um töfraheim leikhússins að tjaldabaki í fylgd leiðsögumanna ásamt kennara sínum.

Í frámhaldinu er nemendum boðið að sjá hina mögnuðu leiksýningu Hamlet litli, sem unnin er sérstaklega fyrir þennan aldurshóp. Áð sýningu lokinni koma leikarar fram og bjóða upp á umræður með nemendum. Í lokin er myndataka af hópnum með leikurum í leikmyndinni.

### 10. bekkur.

Öllum nemendum 10. bekkjar ásamt kennara boðið á Kynfræðslu Pörupilta. Leikverkið er sérniðið fyrir þennan aldurshóp, uppistand og fræðsla og tekur um 45 mínútur í sýningu.

Pörupiltar eru þrjár leikkonur sem klæðast karlmannsgervi. Þær hafa slegið í gegn í þessum gervum með umfjöllun um samskipti kynjanna og ná einstaklega vel til unga fólksins.

Mikilvæg viðleitni til að nálgast kynfræðslu með skemmtilegum og uppbyggjandi hætti.

Eldri borgurum aðildarfélaga  
boðið uppá sérstaka dagskrá.

## ELDRI BORGARAR OG LEIKHÚSIÐ



---

Gamall temur það sem ungur nam.

---

---

Öllum eldri borgurum aðildarsveitarfélaga boðið í heimsókn í  
Borgarleikhúsið í samstarfi við félagsmiðstöðvar eldri borgara.

---

Reviudagskrá

Skoðunarferð að tjaldabaki

Kaffi og spjall

Í samstarfi við félagsmiðstöðvar eldri  
borgara aðildarsveitarfélaga verður eldri  
borgurum boðið í Borgarleikhúsið að degi  
til einu sinni á vetri hverjum.

Borgarleikhúsið mun setja á svið  
sérstaka revíudagskrá sem sérsniðin  
verður af þessu tilefni. Boðið verður  
upp á skoðunarferðir um ævintýraheim  
leikhússins að tjaldabaki.

Í framhaldinu verður boðið upp á kaffisopa  
og létt leikhússpjall.

Leikhús fyrir alla, menningarlegur og  
metnaðarfullur lífstíll, gleði og fræðsla.

## HÖFUÐBORGAR- SVÆÐIÐ OG LEIKHÚSIÐ



Öll veröldin er leiksvið!

Bein aðild aðildarsveitarfélaga að öflugri menningarstarfsemi Borgarleikhússins í þágu  
ibúa. Bein tenging menningar og skólastarfs með árangursríkum hætti.

Enn öflugra Borgarleikhús

Menntun og fræðsla

Máttarstólpar

Með fjárhagslega tryggðu leikhúsi  
verður áfram leitast við að veita íbúum  
aðildarsveitarfélaga leikhússins  
áskriftarkort og aðgöngumiða á  
lágmarksverði.

Boðið verður upp á heimsóknir  
og skoðunarferðir fyrir hópa úr  
viðkomandi sveitarfélagi árið um  
kring. Borgarleikhúsið rekur sérstaka  
fræðsludeild sem getur verið  
skólaþrívöldum til ráðgjafar og stuðnings.

Einni áhugamannaleiksýningu frá  
höfuðborgarsvæðinu verður boðið  
árlega til sýninga í Borgarleikhúsinu.  
Áhugamannafélögum býðst einnig  
ráðgjöf frá Borgarleikhúsinu skv.  
nánara samkomulagi.

Aðildarsveitarfélög kynnt á heimasíðu  
leikhússins sem "máttarstólpar  
Borgarleikhússins". Tengiliðir  
frá aðildarsveitarfélögum vinna í  
nánu samstarfi við fræðsludeild  
Borgarleikhússins til þess að þróa  
samstarfið. Mikilvægt að tengiliðir  
sjái þær sýningar LR sem eru á fjöllum  
leikhússins hverju sinni til þess að fylgjast  
með rekstrinum og þeim möguleikum  
sem bjóðast í tengslum við samstarfið.

Borgarleikhúsið. Stærsta og fjölsóttasta leikhús á Íslandi.

## FJÁRHAGSLEG AÐKOMA AÐ BORGARLEIKHÚSINU

Velta Borgarleikhússins hefur aukist jafnt og þétt síðustu árin. Aðsókn er um 220 þús. heimsóknir að stærstum hluta af höfuðborgarsvæðinu. Borgarleikhúsið er mikilvægur vinnustaður á höfuðborgarsvæðinu. Launagreiðslur yfir 1 ma.kr. á ári.

Með aðild að rekstri Borgarleikhússins skapast mikil tækifæri á vettvangi menningar og lista til hagsbótar fyrir íbúa, unga sem aldna.

Þess er vænst að sveitarfélög höfuðborgarsvæðisins sameinist ásamt Reykjavík að efla enn frekar Borgarleikhúsið og nýta einskaka húsnæðisaðstöðu og fagþekkingu sem þar er m.a með beinni tengingu skóla við leiklistarmenningu í hæsta gæðaflokki.

Auk þeirra tillagna sem hér hafa verið nefndar er sjálfsagt mál að ræða og þróa samstarfið eins og kostur er. Borgarleikhúsið óskar eftir fundi til þess að ræða nánar um mögulegar útfærslur á samstarfsaðild og fjárhagslegri aðkomu.

